



**taekwondo savez bosne i hercegovine**

**PROPOZICIJE TAKMIČENJA**  
**godina 2011**



## SADRŽAJ

<i>1. Uvodne odredbe</i>	.....	2
<i>2. Dobne kategorije</i>	.....	2
<i>3. Organizacija takmičenja</i>	.....	3
<i>4. Registracija takmičara</i>	.....	5
<i>5. Rukovodstvo takmičenja</i>	.....	6
<i>6. Suci</i>	.....	6
<i>7. Plasman klupskih ekipa</i>	.....	6
<i>8. Vremensko trajanje borbe</i>	.....	7

## **1.** **Uvodne odredbe**

1. Propozicijama takmičenja regulirana su sva službena taekwondo takmičenja u BiH. Službenim, odnosno, takmičenjima u nadležnosti TKDS BIH tretiraju se sva takmičenja iz Kalendara takmičenja TKDS BIH. Regionalna, odnosno gradska takmičenja provode regionalni ili gradski savezi ili klubovi dogovorno, a državno TKDS BIH. Organizatori, domaćini i svi sudionici takmičenja, službene osobe i sportaši, obvezni su provoditi ove propozicije.
2. Sva takmičenja provodit će se po Pravilima Svjetske taekwondo federacije (WTF) a prema kalendaru takmičenja TKDS BIH.
3. Obvezni prilog ovih propozicija čine:
  - Zahtjev za registraciju takmičara i Prijava za takmičenje. Klubovi, organizatori i domaćini omnožavaju ove obrasce po potrebi
  - Odluka o naknadama sucima i drugim službenim osobama (putni troškovi, dnevnice, taxe) te odluka o kotizaciji za takmičenje i taxe za žalbe.
4. Propozicije i spomenute priloge te Kalendar takmičenja donosi predsjedništvo TKDS BIH. Jednako tako daje tumačenje te donosi eventualne dopune i promjene tih dokumenata.

## **2.** **Dobne kategorije**

### ***Kadeti/Kadetkinje***

Kadeti/kadetkinje su takmičari/ke rođeni 1997., 1998. i 1999. godine.

### ***Mlađi kadeti / kadetkinje***

Mlađi kadeti/kadetkinje su takmičari/ke rođeni 2000., 2001. 2002. i 2003. godine.

### ***Juniori/Juniorke***

Juniori/juniorke su takmičari/ke rođeni 1994., 1995. i 1996. godine. U ovoj konkurenciji mogu se natjecati i kadeti/kinje sa navršениh 14 godina.

### ***Seniori/Seniorke***

Seniori/ke su takmičari/ke sa navršениh 16 godina na dan takmičenja.

### 3. *Organizacija takmičenja*

1. Takmičenje se priređuje za svaku kategoriju takmičara:
  - Kadete/kinje
  - Juniori/ke
  - Seniori/ke
  
2. Organizator državnog takmičenja je TKDS BIH, regionalnih ili gradskih takmičenja odgovarajuća udruženja taekwondo klubova, odnosno klubovi dogovorno.
  
3. Direktni organizatori tj. domaćini su klubovi. Nakon prihvaćanja Kalendara takmičenja, klubovi zainteresirani za organizaciju dostavljaju svoje ponude TKDS BIH na osnovu kojih predsjedništvo TKDS BIH imenuje domaćina takmičenja i uvjete priredbe.
  
4. Žrijebanje priprema TKDS BiH jedan dan prije takmičenja. Žrijebanje je javno. Žrijebani parovi unose se u tablicu praćenja borbi i upisuje se broj njihove borbe. Za ispravno žrijebanje koriste se liste za žrijeb. Prijavne liste, liste za žrijeb te liste evidencije borbe moraju biti čitke i uredne. Konačna prijava takmičara je na službenom vaganju. Klub može prije vaganja zamijeniti prijavljenog borca novoprijavljenim u istoj težinskoj kategoriji. Ekipa je konačno prijavljena kad pristupi službenom vaganju i plati kotizaciju i ne mijenja se do završetka takmičenja.
  
5. Dužnosti domaćina takmičenja:
  - pridržavati se termina takmičenja predviđenih kalendarom
  - pozive za takmičenja poslati najkasnije 14 dana prije takmičenja
  - sva takmičenja se moraju održavati u sportskim dvoranama u koje stanu bar dva borilišta
  - dvorana za takmičenje mora imati tribinu za gledatelje i ozvučenje
  - za sva takmičenja treba osigurati priznanja za 1., 2., 3. mjesto te priznanje klubovima za sudjelovanje
  - za sva takmičenja državne razine osigurati medalje za 1., 2., 3. mjesto te pehare za ekipne pobjednike.
  - Za sve službene osobe na natjecanju domaćin osigurava taxe te troškove prijevoza i dnevnice prema odluci TKDS BIH
  - Osigurati liječničku ekipu, dežurstvo hitne pomoći, osigurati ažurnu hospitalizaciju
  - Domaćin takmičenja dužan je u roku od 10 dana od dana takmičenja svima klubovima sudionicima i nadležnim tijelima TKDS BIH poslati izvješće o održanom natjecanju

**5.1** izvješće o natjecanju mora sadržavati:

- a) naziv takmičenja
- b) datum održavanja
- c) naziv organizatora
- d) naziv pokrovitelja
- e) spisak prijavljenih klubova
- f) broj takmičara
- g) popis sudaca

- h) rezultate za 1., 2., i 3/4. mjesto (ime i prezime) u svakoj težinskoj kategoriji
- i) tablicu ekipnog rangiranja klubova:

<b>KLUB</b>	<b>BROJ BODOVA</b>
1. Fojnica	35
2. B.Luka	30
3. itd	

- j) uredne i čitke izrijebane liste
- k) ostala zapažanja (broj gledatelja i dr.)

- vaganje se mora organizirati bar jedan sat, a najviše 18 sati prije takmičenja i to decimalnom vagom uz prisustvo trenera ekipe i člana rukovodstva takmičenja. Prije vaganja provjerava se identitet takmičara uvidom u takmičarsku knjižicu. Posebice, sudac koji provodi vaganje provjerit će valjanost liječničkog pregleda.
  - uz poziv organizator je dužan poslati prijavnu listu za upis takmičara
  - u slučaju nemogućnosti organiziranja takmičenja, obavijestiti TKDS BIH 60 dana prije naznačenog termina održavanja
  - u slučaju promjene datuma takmičenja, obavijestiti TKDS BIH 30 dana prije naznačenog termina održavanja
6. Prijava takmičara i klubova mora biti na standardnoj prijavnjoj listi ispisano čitko štampanim slovima, ovjerena žigom kluba i potpisanu od ovlaštene osobe. Na prijavi treba navesti ime službenog trenera kluba na natjecanju sa licencom TKDS BIH. Na svim službenim takmičenjima plaća se kotizacija po prijavljenom natjecanju kao financijska pripomoć domaćinu takmičenja. Kotizacija se plaća prema klupskoj prijavi. Prijavne liste trebaju stići domaćinu 1 dan prije žrijebanja. Klub koji se ne pojavi na natjecanju za koje se prijavio plaća TKDS BIH kaznu u visini kotizacije za cjelokupnu ekipu koju je prijavio (za 10 članova po ekipi).
7. Obaveze kluba sudionika:
- registrirati takmičare
  - osigurati stručno vodstvo tj. trenera s licencom TKDS BIH
  - svim takmičarima osigurati liječničke preglede
  - svaki klub mora osigurati propisanu zaštitnu opremu za sve takmičare sukladno pravilima WTF.
8. Žalbeni postupak: žalba na rezultat borbe ili sudačku odluku treba uslijediti neposredno nakon borbe u roku od 15 minuta. Žalbu u pisanoj formi potpisano od trenera ili službenog predstavnika kluba na natjecanju, predaje se glavnom sucu i prilaže pristojba od 30 KM. Žalbu rješava, nakon konzultacije sudačke ekipe sa borilišta gdje se događaj zbio, rukovodstvo takmičenja. Žalbu u drugom stupnju rješava predsjedništvo TKDS BIH u roku od 8 dana nakon takmičenja. Odluka predsjedništvo TKDS BIH je konačno i tek se tada rezultati takmičenja mogu službeno proglasiti. Kada predsjedništvo TKDS BIH rješava žalbu, sjednici može prisustvovati predstavnik kluba koji se žali, a treba prikupiti izjave članova rukovodstva takmičenja.

## 4.

### *Registracija takmičara*

1. Svaki takmičar na takmičenjima TKDS BIH mora biti registriran. Dokaz registracije je takmičarska knjižica TKDS BIH. Jedan takmičar u jednoj godini može biti registriran samo za jedan klub.
2. Takmičarska knjižica ovjerava se za svaku godinu od strane kluba za kojeg će takmičar nastupati i od strane TKDS BIH. Pored ovjere kluba i saveza u takmičarskoj knjižici mora biti potvrda o obavljenom liječničkom pregledu, ne starijem od 6 mjeseci.
3. Registraciju takmičara obavlja TKDS BIH na temelju zahtjeva kluba na obrascu Zahtjeva za registraciju. Ovaj obrazac sadržava ime i prezime takmičara, datum rođenja, adresu boravišta, podatak o taekwondo zvanju, podatak o registraciji za prethodnu godinu, potpis takmičara. Obvezan prilog u zahtjev za prvu registraciju, odnosno, izdavanje takmičarske knjižice su dvije fotografije malog formata i uvjerenje o državljanstvu.
4. Zahtjev za registraciju s popratnom dokumentacijom dostavlja se TKDS BIH tijekom prijelaznog roka, odnosno najkasnije 14 dana prije prvog takmičenja iz Kalendara takmičenja. Dodatni pojedinačni zahtjevi mogu se dostaviti tijekom godine, ali svaki takmičar mora biti registriran barem 8 dana prije takmičenja.
5. Predsjedništvo će utvrditi registracijsku pristojbu po takmičaru i posebno pristojbu za prvu registraciju. Registracija je valjana nakon što se kancelariji TKDS BIH dostavi potvrda o uplati taxe.
6. Prijelazni rok je u razdoblju od 1. do 31. januara/siječnja. Takmičari koji mijenjaju klub moraju se dosadašnjem klubu obratiti zahtjevom za ispisnicu na kojeg odgovarajućim rješenjem klub mora odgovoriti u roku od 7 dana. Ukoliko odbije izdati ispisnicu klub to mora obrazložiti. U slučaju da klub ne odgovori u datom roku na zahtjev takmičara za ispisnicu, smatrat će se na njeno izdavanje nema prigovora. Takmičar koji se želi registrirati za novi klub uz ostalu dokumentaciju uz zahtjev za registraciju za novi klub prilaže i ispisnicu, odnosno svoj zahtjev za ispisnicu.
7. Sve sporove u svezi sa registracijom rješava predsjedništvo TKDS BIH. Opravdanost obrazloženja kluba da ne izda ispisnicu ocjenjuje tijelo TKDS BIH nadležno za registraciju imenovano od predsjedništva TKDS BIH. Zabrana odluke nadležnog tijela za registraciju dostavlja se predsjedništvu TKDS BIH koji je mora riješiti u roku od mjesec dana.

## 5.

### *Rukovodstvo takmičenja*

Tijelo TKDS BIH koje provodi takmičenje imenuje rukovodstvo takmičenja i to:

- predstavnika na natjecanju TKDS BIH
- glavnog suca
- predstavnika domaćina takmičenja

Predstavnik TKDS BIH je dužan podnijeti izvješće tijelu TKDS BIH koje provodi takmičenja o zapažanjima vezanim uz takmičenje. Izvješće mora sadržavati:

- ocjenu realizacije takmičenja
- kvalitetu suđenja (sve žalbe na sudačke odluke moraju se dostaviti kao prilog izvješću)
- ostala zapažanja

Troškove predstavnika TKDS BIH snosi organizator (tretman kao sudac I.klase).

## 6.

### *Suci*

1. Sva taekwondo takmičenja sude suci sa liste TKDS BIH. Lista sudaca TKDS BIH utvrđuje se nakon godišnjeg sudačkog seminara nakon kojeg se utvrđuju i kategorije sudaca važeće za tekuću godinu (pripravnik, III., II., i I. kategorija). Suci sa liste TKDS BIH mogu suditi u tekućoj godini nakon što im se izda licenca koju plaćaju sukladno o odluci predsjedništva TKDS BIH.
2. Poziv za takmičenja obavezno se dostavlja nadležnoj osobi odnosno tijelu TKDS BIH nadležnom za suce kada i klubovima sudionicima. Uz listu sudaca za takmičenje određuje se i glavni sudac koji je odgovoran za suce i suđenje tijekom takmičenja.
3. Sucima pripada nadoknada troškova i taxe sukladno odluci predsjedništva TKDS BIH.

## 7.

### *Plasman klupskih ekipa*

Ekipni poredak klubova mora se utvrditi prema sljedećim uvjetima:

- 1 bod za svaku dobivenu borbu
- 1 bod za osvojeno 3. mjesto u težinskoj kategoriji
- 3 boda za osvojeno 2. mjesto u težinskoj kategoriji
- 7 bodova za osvojeno 1. mjesto u težinskoj kategoriji

## 8.

### *Vremensko trajanje borbe*

Za sva službena takmičenja vremensko trajanje borbe određeno je WTF i ETU pravilima

Za seniore/ke i juniore/ke jednak je kriterij za eliminacije i za finale 3 x 2 minute s 60 sekundi odmora.

Za kadete/kinje jednak je kriterij za eliminacije i finale, i to 3 runde po 1,5 minute s 30 sekundi odmora između runde.

Ako je rezultat izjednačen na kraju treće runde ide minuta odmora a potom četvrta runda u trajanju od 1, 5 minute za kadete i 2 minute za seniore i juniore.

Rukovodstvo takmičenja samo u krajnjoj nuždi može korigirati broj ili trajanje runde.